

Կոստանդինուպօլիս, եւ եղիտ զերկուս վարդապետս իւր զՍնոփրիոս և զԱրագիս, զորս կապանօք ածեալ էին զօրականքն 'ի Պրուսայէ։ և տեսեալ զնոսա զերծեալս անվրնաս, ուրախ եղեւ և եկեալ նստաւ առ Ժամանակ մի յեկեղեցւոյ Ս. Լուսաւորչին, ուր յաճախէին բնակիչք Կոստանդինուպօլսոյ մեծամեծք և փոքունք իբրեւ առ Կաթողիկոսն իւրեանց, և խրախանային 'ի տեսութեան նորա։ Ապա 'ի գովամակիլ Յովհաննու Պատրիարքի մայրաքաղաքին եւ ամբաստանել նաեւ առ Եպարքոսն, էառ զնա 'ի տուն իւր Ապրօ Չէլչալի, եւ գնացեալ առ Իշխանն յայտարար նմա՝ թէ Եղիազար ոչ խառնի յիշխանութիւն Պատրիարքութեան Յովհաննու, այլ բանաբարիւք ասէ՝ յօդեն զայնպիսի զրպարտութիւնս, եւ էառ հրաման՝ զի մի ոք իշխեսցէ վարել զնա 'ի քաղաքէն, և դադարեաց 'ի տուն Ապրօյի ամիսս 6։

Այլ մինչեւ եկեալէր Եղիազար 'ի Կոստանդինուպօլիս, եհաս լուր յերուսաղէմ, թէ առեալ է նա իշխանութիւն խնամակալութեան Երուսաղէմի, և թէ դայ այդք իբրեւ Կաթողիկոս։ Եւ զի նորոգ ժամանեալ էր անդ յայնժամ Յակոբ Կաթողիկոս՝ խորհուրդ ետ նմա Մարտիրոս վարդապետ՝ զի ջանացի առնուլ նախ 'ի ձեռաց Եղիազարու իշխանութիւն խնամակալութեան, և ապա դէրաւ լիցի մեզ ասէ խափանել և զԿաթողիկոսութիւն նորա։

Զայս հաւանեցուցեալ 'ի միտս Կաթողիկոսի՝ և առեալ ընդ իւր գիր ամբաստանութեան 'ի վերայ Եղիազարու՝ վկայութեամբ Աստուածատուր Պատրիարքի և դատաւորացն Երուսաղէմի, փութացաւ և եկն 'ի Կոստանդինուպօլիս, և կամէր ելանել վերստին յատեան Եպարքոսին, գործակից իւր արարեալ զԹլթեանս և զՋահուկեանս եւ զարեւելցիս, ընդ որս և զԱնդրիաս երեց մի, որ 'ի ռամկաց Ճէհէնէ՝ Բերթէնի կոչիւր։ Իսկ ամանք յեղիազարեանց եկեալ առ Մարտիրոս յորդոր եղեն նմա՝ յետս կալ 'ի կրօնոյ անտի, և մի՛ գրգռել կրկին զաղմուկ չփոթի։ Եւ Ապրօ յղեաց զԵրեմիա Չէլչալի հանդերձ թղթով երթալ խօսիլ ընդ Մարտիրոսեանս, և նորա եկեալ հաճեցոյց նախ զՄիրզէ և զԽոսրով, և ապա յորդորեաց զՄարտիրոս գալ առ Ապրօ՝ և խօսիլ բանս խաղաղութեան։